

1621_901.jpg

Histoire de nostre temps. 901

Les pedestails des colonnes de ceste face estoient ornez des suivantes deuises.

Vne horloge avec sa monstre, dont les heures estoient marquees par vne main, le mot estoit, *Asi mi mano como mi sonido*. Pour mōstrer que le Roy tres prudent, ayant meuremēt deliberé & resolu vn dessein, l'executoit promptement, & que ses actions suiuoient de point en point ses conseils.

Vn soc ouurant vne terre dure & sterille, avec ce mot, *Terramque rebellem*. Ainsi la Prudence & valeur du Roy forçoit les terres rebelles qui luy resistoient.


Vn lys bleu sur le sommet d'une haute montagne leuant sa teste, & se tournant vers l'estoile de Saturne (dont ceste fleur est amoureuse, cōme disent les naturalistes) avec ce mot. *Non inferiora secutus*. Cela signifioit que sa M. mesprisoit de suivre de moindres exemples de Prudence, que celle du plus sage des Dieux.

Vne faux qui s'esguisoit sur vne rouë afloire, *De su duressa mi agudessa*. Pour dire que l'experience & les affaires faisoient augmenter le Roy en la perfection de la sagesse.


En la face qui regardoit le Nord sur vn pedestal se presentoit la statue de la Preuoyance en femme ayant deux testes, tenant dela main gauche vn compas, dans son pedestal estoit escrit ce mot; *Prouidentia*. Dans les pilastres du couronnement estoit enchassé vn grand tableau dans lequel estoit representé Ianus: Pour expliquer le dessein de ce tableau on auoit mis

LII. iij


1621_214.jpg



1621_902.jpg



1621_215.jpg



1621_903.jpg

Histoire de nostre temps. 903

representee en ieune femme ayant vn Caducee à la main droicte, & vne corne d'abondance pleine de fruiets en la gauche. Dans le piedestal estoit escrit en lettre d'or ce mot, *Felicitas*. Et plus bas ceste inscription.

P. P. Felici Ludouico immortale voti sui atque cōsiliū pretium ferēt oppreſſis rebellibus Prudentie ac Felicitatis aram. P. P. Tolofates.

Aux piedestals des colonnes estoient ces deuises. Vne espee courbee en faucille. *Dulces curuatur in vsus*. Pour dire que le fer ne seruiroit désormais qu'à cultiuer la terre, & couper les moissons.


Vn pommier fleury. *Totidem Autumno matura tenebit*. Vne vigne verdoyante ombrageant vn arbre sec, *Tu decus omne tuis*: Pour signifier que la France reposoit à l'ombre des palmes & des lauriers du Roy, dont elle tiroit toute sa gloire & son ornement.

Vn grenadier chargé des despouilles d'un serpent, *Spolijs onerata virebit*. Pour denoter que la France chargée des despouilles de la rebellion en deuenoit, & plus florissante, & plus belle.


Vn oliuier simbole de la paix, commençant à pousser sous vn murier fleury simbole de la Prudence, avec ces mots, *Con las flores de la prudētia la paz à debrotar*. Dās la voute de l'Arc estoit peint vn ciel azuré, qu'une estoile de couleur triste & plôbee esclairoit sombrement: Du milieu de ceste estoile pendoit vne couronne de meurier qui estoit le present que l'Astre de Saturne fai-

LII iiij

1621_216.jpg



1621_904.jpg



904

M. DC. XXI.

soit au Roy, pour couronner sa Prudence.


Le Roy passant sous cet Arc rencontra M^{rs}. les Capitouls, qui luy offrirent avec les clefs de la ville, les cœurs & les affections de tous ses citoyens. Le sieur de Puimisson qui portoit la citroule, dit à sa Majesté.

SIRE, C'est icy la tres-heureuse iournee de nos

Harangue faite au Roy par les Capitouls en entrant dans la ville.

haits, & de nos vœux accomplis. Nous souhaitons & recherchions incessamment ce que nous n'osions espérer, que vostre ville de Thoulouse estant si esloignée de vostre tres sacree personne eut ce bonheur de se voir à ses pieds, luy offrir les gages eternels de sa tres-humble obeyssance, subiection & fidelité: Luy presenter avec les clefs de ses portes celles aussi de nos cœurs, nos biens, nos personnes, nos vies, nos esprits & nos volontés. SIRE, vostre presence Royale est la lumiere de cet heureux iour, c'est le Soleil qui dissipe nos nuicts, qui viuisifie les semences, dont nous cueillons sur le Printemps de vostre aage les fruiets qui n'estoient produicts par les Roys vos predecesseurs, que sur l'Automne ou sur l'Hyuer de leurs derniers ans. La vaillance & prudence dont vostre genereux pere acquit le nom de Grand l'an iour de sa mort, vous l'ont desjà donné à vous, SIRE, qui commencez à peine de viure: Les conquestes de ceux qu'on appella iadis les Hardis & les Conquerans s'obscurcissent deuant les vostres. Car d'auoir subingué septante villes ou places en moins de six mois, c'est auoir fait ce que les siecles auantir ne voulront croire s'estre peu faire dans si peu de iours. Mais les innocētes & saintes mœurs des Charlemagnes, & des saints Louys qui reluisent en vostre Majesté ont fait ces miracles sur nous. La bonté, la pitié, la charité de ce dernier Louys qui fut dit le Pere du peuple,

1621_217.jpg



1621_905.jpg

Histoire de nostre temps.

295

cedent aux excellentes vertus qui vous font nommer le
 IVSTE des iustes. Ce sont la les pierres precieuses de vos
 sceptres & de vos courones, les vrayes clarte^r de ces A-
 stres dõt Thoulouse vous fait dedicace parmy l'appareil
 de vos triomphes & de vos trophées. Reste SIRE, que
 les voix de vos peuples & les acclamatios qu'on oyt de
 toutes parts sur la gloire de vos armes, fendēt les nuees,
 & que ces nuees se fondent en rosee sur la terre, & que
 la terre desormais au lieu de Rosas espineuses, de Pensées,
 ou de Soucis, fournisse son seing de Lys & de Myrthes, de
 Palmes & de Lauriers, à la memoire eternelle de vostre
 nom immortel. Que les Anges descendent du Ciel cōme
 ils faisoient du tēps des Prophetes pour assister vostre Roy-
 ale Majesté: qu'ils ioignent leurs glaines au vostre pour la
 querelle du Tout-puissant; qu'ils accompagnent de leurs
 chāts les cris de nos lieuses & de nos joyes. Que le Ciel s'ou-
 ure & verse sur vostre chef les tresors de ses graces &
 benedictions: que vostre aage soit cōblé de tant d'annees
 que V. M. surviue à nous tous: Car nos iours ne pourrōt
 estre que fort heureux, pourueu qu'ils finissent auant les
 vostres. SIRE, apres auoir ainsi arresté nos yeux dans le
 ciel pour prier Dieu pour vostre prosperité, nous les incli-
 nerons à vos pieds pour vous supplier tres-humblement
 auoir agreable de prester le serment qu'il a pleu aux de-
 functs Rois vos predecesseurs Charles septiesme, Louys
 vn^{zi}esme, François premier, & Charles neufiesme pre-
 ster aussi sur leurs solennelles entrees en leur ville de
 Thoulouse, de leur garder & conseruer leurs priuileges,
 franchises, & liberte^r.

Le Roy ayant osté le gand, toucha vn Te-igitur
 & Croix apporté à cest effect, promit de garder
 & conseruer iceux droicts, priuileges, & liber-

1621_218.jpg




Image issue du site mercurefrancois.ehess.fr - Cliché (c) Cécile Soudan